

ISSN 2249-510X

A Peer Reviewed and Refereed Journal of

Kashmiri Literature and Language

Department of Kashmiri

University of Kashmir

ساختیات: اکھ تعارف

حامدی کشمیری

تلخیص

موجودہ صدی ہندس شروعس تام اوس زندگی تہ کایناتجہ حقیقتو ہند ادراک یجھ سائنسی مفروض پٹھ ڈرتھ زپر تھ کانہہ چیزیا شے چھے بجایہ خود موجودتہ کایناتی عمل چھ علت تہ معلو لک پابند۔ اما پوز موجودہ صدی منز کو رجدید فزیکسن یہ نظریہ رد تہ یہ انقلابی نظریہ کورن پیش ز کانہہ چیزیا شے چھے نہ اکھ ا کس نشہ بدون۔ پر تھ کانہہ شے چھے پانہ ر شتن ہند اکھ زال، تہ سو چھے بیلن ر شتن ہندس زالس وون تھ۔ پر تھ کانہہ ذرتہ چھ زلر ز زال ہیو۔ کایناتکین چیزن تہ آثارن منز ر شتن ہند عملک پے لگا ونہ ستر ووتلیو وساختیاتک تصور تہ پیہ آوپتہ بشریات، نفسیات، فلسفہ تہ لسانیات ہو بن علمی شعبن پٹھ تہ آزماونہ تہ ارب و لرو شہرت تہ اچ اہمیت آہہ تسلیم کرنہ۔

کلیدی الفاظ: ساختیات، ادراک، مفروض، کایناتی عمل، جدید فزیکس، انقلابی نظریہ۔

یہ کتھ چھے وئس لایق ز ساختیہ (Structure) چھہ ژ کہ دودور (Binary) آسان۔ یعنی ساختیہ چھہ تیلی پادگوشان بیلہ سہ کئے آسہ نہ، بلکہ آسہ دودور، تہ امیک دوگنیار آسہ مُتضاد۔ خود انسانی دماغ تہ چھہ مُتضاد قوتن ہند (interaction) ستر پرز ناوہ یوان۔ مذہب تہ فلسفہ تہ چھہ گپہ تہ گاشہ (خار تہ ستر) چہ جدلیاتی عملہ ستر زندگی ہند پے لپہ نچ کوشش کران۔

جدید لسانیاتس منز چھہ ساختیک علم عام پاتھک سوسیرس (Ferdinand de saussure)

ستر منسوب یوان کرنہ تہ ساختیاتی نقاد چھہ ادب شناسی خاطر سوسیرس ہند پے ماڈل بروئہہ کنہ تھوان۔ سوسیرس سند نظریہ چھہ ز زبانہ ہند ساخت ہسکو دو یو طریقہ بد کڈتھ: لینگ (Langue) تہ پرول (Parole) لینگ چھہ گنہ تہ زبانی ہند اکہ تجربدی نظام، اصول یا گرامریس انسان پانے چھہ پچھان۔ تہ نیمہ ستر زبانہ ہند جملہ معنی چھہ پزاوان تہ زبان چھے پئن ترسلی کردار اندس واتاوان۔ پرول گووزبانہ ہند استعمال۔ پر تھ انسان چھہ پنے طریقہ تہ پنے ضرورتہ موجب طے شدہ قاعدس تحت جملہ بناوان تہ زبان ورتاوس منز انان۔ سوسیرس سند نظریہ موجب چھہ زبان خارجی چیزن یا مظاہرن ہنز فطری یا وضعی خصوصیت بد کڈان۔ تہ گوویہ ز لفظس تہ خارجی چیزس چھہ کائہہ ہشریا واٹھ۔ لفظ چھہ پانہ خودے (arbitrary) چیزن ناوکران، تہ محض روایت ڈکھس چھے۔ تہ کسند خیال چھہ ز لفظ چھہ محض نشان (Sign) تہ پہلویا پاس چھہ: (Signifire) تہ (Signified)۔

یعنی لفظ چھہ نشان تہ سہ چھہ چیزس تہ تمہ کس معنیس گن اشار کران۔ دراصل چھہ علم لسانہ موجب زبانہ منز اکہ اجتماعی لسانی نظام کام کران نیمہ ستر سہ پئن ترسلی کردار ادا چھے کران۔ یہ لسانی نظام چھہ انسان شعوری یا غیر شعوری پاتھک قبول کران۔ تہ اجتماعی نظام نشاندہی چھے پین فکری تہ علمی شعبین منز تہ کرنہ آہڑ۔ فریڈسند خیالہ موجب چھہ یہ اجتماعی نظام انانس حد بندین منز روٹہ کران تہ سہ چھہ (Psychic) بنان۔ سوشیالوجی منز کو رد رکھیمن (Durkhiem) دریافت ز فرد چھہ دراصل اکہ ذریعہ

یہیہ کنز اجتماعى مقاصد چھ پورگرهان۔

سوسير سندس نظر لسانس پٹھ آوساختيا تى تنقيدك نظريه تعمير كرنه۔ امه موجب چھ اديب
تخليقى عمله منزه كس شعريا تى يا امتزاجى طرف بقس دس تئان۔ يتھ (Structuring) ناو اودنه۔ امه
موجب چھ اديب سنز زندگى هندو شعورى ته لاشعورى محركات، خارجى زندگى هندو واقعات، نسلى ته
ثقافتى عوامل پانہ وانى رلته مپلته اكه ساختيا تى صورت پزاوان يه ساختيا تى نقاد چھ ادبك تجزيه كران
كران يه نيه ساختيا تى اصولن بد كئان۔ ته گو وسه چھنه كا نهه واضح موضوع يا معنيه مطلب بد كئان،
بلكه چھ ادبك شعريات دريافت كران۔

ساختيا تى نظريه ستر گئيہ روايتى ادبى نظريات رد۔ فرانسيسى نقاد رولاں بارته
(1915-1980) چھ ساختيا تى تنقيدك اكه بو ڈ علمبر دار۔ تى سندا خيال چھ ز ادبس منزه ورتا ونه يونى
زبان چھے نه خارجى حقيقون هنز ترجمانى يا عكاسى كران۔ تى كيا ز زبان چھے نه انہ يوسه حقيقو هند عكس پيش
كر۔ يه چھے اكه تصور يوسه رشتن هند نظامه ستر شكل چھے پزاوان۔ ته يوسه رشتو ستر چھے زبان معنى
لبان۔ ساختيا تى نظريه موجب چھنه ادب اديبه سنز شخصيو يا تى سندا سوانخ هك اظهار، تى كيا ز كاينائى
نظامس منزه چھنه فرد سنز مركزى حيثيت قائم ته سه چھ اكه اجتماعى نظامك حصه۔ سه چھ رشتن، كوئان ته
كنونشن هند حصه۔ لهند اچھ تمس لكهنس منزه كا نهه نون يا فعال كردار روزان ته امى چھ (Writing
writes not writers) بارسس آمت۔

ساختيا ته موجب چھنه ادب كنه ا كسه يك رنى يا معنيه معينيس ستر واٹھ تھوان، تى كيا ز سه چھ
روايت ته ثقافته كه پچيد ته مربوط صورتحال كه شعور ك پاداوار۔ بارتهن كو رنو تنقيدك يه نظريه رد ز تخليق
چھے قائم بالذات آسان۔ تى وون ز اديب ته ادب دونوے چھ تاريخ ته ثقافتس ستر هم رسته
آسان۔ امه ستر چھ ادب بسيا رشيپو بنان۔ سه چھ فلسفيا نه طرز فكر موجب مركزى معنيه يا جوهر مسترد

کران۔ حالانکہ مجموعی طور چھے رشتن ہند زال (Web of relations) تہ اکھ مرکز جو صورت حال پاد کران۔ بار تھ چھ ونان ز حقیقت یا متن چھ گنہ مرکز یا معنیہ بجایہ ساختہ (Structure)۔ تھ پتہ گنہ یا تلہ کنہ کانہہ معنی چھنہ۔ یہ چھ رشتن ہند نظام تھ کنہ اکھ گنڈ آسان چھ۔ گنڈس یو دوے دہل تلو، تھ روز نہ کہن تہ باقی۔ بار تھ سُنڈ خیالہ چھنہ ساختیاتی تجزیہ کانہہ پوشیدہ معنی دریافت کران، تکیانہ ”تخلیق چھے گنڈ کو پاٹھو آسان یوسہ دہلن (نظامن) ور اے کہن چھنہ“۔ ساخت شکنی (Deconstruction) ہند تصور کو رفرنسیسی نقاد درپدن پیش۔ تہ تہ کرا تھو فلسفیانہ تصورس تھسہ ز معنیس چھنہ کانہہ وجوہ دتکیانہ جوہر، مثالیت یا ادا خلیت چھے بزم۔ (Signifier) تہ (Signified) یک تصور ذہن منہ تھو تھو ونان تہ ز سوسیر سُنڈ یہ خیال چھنہ صحی ز یمن چھ پانہ وانی ربط، بلکہ چھ یمن درمیان افتراق تہ تضاد موجودیس معنیہ کس کثرتس وو پداوان چھ۔ تہ سُنڈ خیال چھ ز متنس منہ ہیکہ نہ متعج نشانہ ہی کر نہ تھ تکیانہ تنقیدی عملہ ہند آغاز چھ ساخت شکنی ستر سپدان تہ معنی چھ یانہ راوان یا التواہس منہ روزان۔

ساختیاتی نظریہ موجب چھنہ ادبس منہ حقیقت نگاری (یوسہ ترقی پسندی ہند نشان امتیاز بنیو) کانہہ یو ریا اعتبار روزان۔ تھے کنہ چھنہ سوانحی یا نفسیاتی تنقید گنہ روزان۔ متن چھنہ ادیب سُنڈ سوانحی زندگی ہند خاکہ، بلکہ چھ یہ داغلی رشتن ہند اکھ پیچیدہ فنا منا۔ رولاں بار تھ چھ پننس مضمونس (The Death of The Author) منہ مصنفہ ہند اخراجک اعلان کران تہ سستی چھ مصنفہ سُنڈ منشہ، ارادہ تہ نظریہ تہ خارج گنہ ہان۔ تہ متعج معنویت چھے خودامہ کس ساختس منہ بارسس یوان۔ تھ کنہ چھ متنہ منہ معنی تہ بے دخل گنہ ہان۔

بہر حال، ساختیاتی نظریہ چھ مختلف سائنسی تہ سماجیاتی علوسن منہ اکھ نو نظریہ تہ لسانیات تہ ادب تہ گووامہ ستر متاثر۔ اما پوز ایچ حد بندی چھے یہ ز فنپارک تخلیقی وجوہ پز ناوہ خاطر چھ پوشیدہ داغلی شعر یا تس اہمیت یوان دنہ مگر یہ طریقہ کار چھنہ قدر سنجی ہند کانہہ واضح نتیجہ بروٹہہ گن

انان۔ امیک ثبوت چھہ یہ ز ساختیاتی تنقید چھہہ کاٹھہ مر بو ط تنقیدی نظام پیش کران یوسہ ادبچہ پر کھائی
 خاٹر کاٹھہ یون طریقہ پانہ ناوا۔ تاہم چھہ ساختیاتی نظریہک یہ دیت ز تکر پھڑاؤ کیٹھہ تم تنقیدی
 مفروضیات یموادلس نال اوس وولمت۔ مثلاً حقیقت نگاری ہند تصور یا یہ خیال زفن چھہ فنکار سبتر شخصہ
 ہند اظہار یا یہ چھہ کاٹھہ طے کرنہ آمتہ خیالک یا نظریک اظہار کران۔ یا یہ زبان چھہ حقیقتک اظہارک
 وسپہ۔ ساختیاتی تنقیدن اون قاری ادلس منز دبار بارس۔ تہ ”قاری اسابچ تنقید“ کھڑو زون
 پٹھ۔ بیہ مودوب قاری چھہ متنہ کین تخلیقی اسرارن منکشف کران تہ اٹکو جہات چھہ پڑ بلاوان۔ یہ چھہ
 قراتکہ تھلی طریقہ ستر ممکن سپدان۔

ساختیاتی کس موضوعس پٹھ چھہ بیادی کام لیوی سٹراسن کرہہ۔ تکر کو رعلمہ بشر یا تگ مطالعہ ساختیاتی
 نوقطہ نظر کئی۔ تکر ویرھنو ز انسانہ سہند شعورک تہ
 لاشعورک مطالعہ ہیکہ یکن ہند بو اندرمو ساختو (Structure) ستر کرنہ ہتھ۔ تمس علاؤ کر جیکسین
 ، ٹراونزکی، لیونٹار، کرٹیوانتہ مارلیوپاٹھی سین تہ ساختیاتس پٹھ بہلہ پایہ کام۔

کتا بیات:

نارنگ گوپی چند، ساختیات، پس ساختیات اور مشرقی شعریات، ۱۹۹۳، قومی کونسل برائے فروغ اردو
 زبان۔

بیری پیٹر، بگنگ تھیوری، ۱۹۹۵، مچسٹر یونیورسٹی پریس۔